

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

L.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

Inscriptio:
 Reverendis & Clarissimis viris, Patribus & Fratribus nostris in Christo, D.
 Doctori Erhardo Steppio, D. Doctori Joachimo Morlino, Domino
 Erasmo Sarcerio, Domino Victorino, & Domino Stoffelio. Ministri Ec-
 clesie in Urbe Vangionum.

XLIX.

Sæpe de te, mi suaviss. Marpachi, cogito, sed non perinde tamen sæpe scribo; propterea quod crebrò te abesse domo intelligam, & rarius accipiam tuas. Dedit autem nunc occasionem Dominus, ut per hos optimos & clarissimos viros liceret ad te literas dare, qui te sive Argentorati, sive Vormaciæ, agas, convenire statuerunt, ut ejus & humanitatem & operam sunt experti, quam pridem per literas erga me liberaliter prædicarunt. Negocium, quod agunt, ex ipsis abunde intelliges. Fuit Gallus contra Evangelii professionem, ut jam non cum hominibus solum bellum gerat, sed eum Christo; incitatus nimirum à Satanæ ministris, qui cladis, quam accipit, culpam omnem in nimiam ejus patientiam erga evangelicos conjiciunt, & clamant verè illud paganorum, de quibus Tertullianus: *Christiani ad Leones*. Spem tamen fovent nonnullam fratres afflicti, mitigari persecutionem posse, intercessione Principum & Civitatum maxime, quando pertendi illa citra inauditam hæctenus sanguinis effusionem nequit, idque ob incredibilem multitudinem Christum confitentium, ex primis etiam ordinibus. Si quid hanc causam juveris, quod tua te sponte facturum scio, non perdes operam coram Domino, qui suos nobis ut propria viscera complectendos commisit. Nos salvi sumus omnes, & præsentem sumus Colloquio spiritu, cum non liceat corporibus, quod tamen ego supra quam dici possit exoptaverim: Audimus callidè in eo moras nectere Papistas, ut tempus pertrahant, ac tædio fastidioque Nostros fatigent, qui rebus necessariis mallent cum fructu vacare. Sed confundet eos Dominus, qui opus ipsius agunt fraudulenter, & servabit Ecclesiam suam. De Argentinensis, hoc est, tuæ Ecclesiæ statu cupio certior fieri, de qua non desinimus sperare optima. Bene vale in Christo JESU, cum tuis omnibus. Basil. 26. Septembr. Ao. 1557.

Tuus ex animo

S. Sulzerus.

L.

S. Benedicìt nobis ubertim Dominus JESUS, cujus beneficio succrescunt subinde egregia feliciaque, & ad discendum inflammata ingenia; nimirum

rum ut ex his seminibus, messem paulò post benè copiosam sperare queamus. Atque utinam tam esset nobis parata & in hisce juvandis & sustentandis facultas, quam non deest exprompta voluntas, daremus mox uberes proventus. Neque Joannem hunc Mertel, qui has perfert, hinc discedere passi essemus, cujus probatum ingenium, & nisi iudicio fallimur, liberali & benignâ etiam per cætera naturâ est præditus. Apud nos idcirco locum non invenit, quod multitudine, ex universis regionibus huc confluentium tantum non obruamur. Si quid ergo, mi reverende Marpachi, potes, quælo opt. juvenem ut tua autoritate promoveas. De statu Ecclesiæ nihil accipimus profus, nec satis mecum constituo, boni ne an sinistri ominis sit tam altum silentium? Si quid habes, quod communicare amico sit integrum, rogo ut perscribas, & bene valeas in Christo JESU cum Syñistis fratribus, & Professoribus quibus cupio salutem dicas meis verbis amanter & reverenter. Scripsi, Basil. 20. Octobr. Anno 1557.

Tuus ex animo

S. Sulcerus.

LI.

S. D. Clarissime D. Doctor, Patrone colende. Dei beneficio salvus & incolumis Rostochium redii die decimo quarto, postquam Francofordiâ discessi. Domum reversus in tristem & horrendam hujus Ecclesiæ perturbationem incidi, quam si prævidere isthic potuissem, tota hyeme in patria commoratus essem.

Doctor Tilemannus, qui præcipuum hujus Ecclesiæ & Scholæ ornamentum & præsidium fuit, cum Senatum hujus urbis acerbius taxasset, & Consulem, qui apud cives dixerat, Pharisaicam sectam ab eo institui, nominatim excommunicasset: jussu Senatus, una cum Collega, ex urbe discessit. Nunc *ἰλιθὲς κακῶν* sequetur, cum Princeps eum, ante causæ cognitionem, restitui, & gravem multam à Senatu pendi velit. Itaq; Filium Dei oro, ut huic Tragediæ placidam *ἡσυχίαν* tribuat.

De mea vocatione scripsi ad meos Principes. Verum nihil adhuc responderunt. Te oro, ut paternam erga me benevolentiam tuam, multis illustribus testimoniis mihi perspectam ferves, neque eam aliorum calumniis imminui patiare.

Salutem reverenter opto, Reverendo viro D. Pistorio, & D. Doctori Wern-